

UKA 2025/91: Inatsisissatut siunnersuutiniq suliaqartarneq pillugu malitassiat atuuttut allanngortinneqarnissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni inatsisissatut siunnersuutip nassuiaataani, nunat tamat akornanni pisussaaffinnut, nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi inuit pisinanatitaaffiinnut aamma nunap inoqqaavisa pisinnaatitaaffiinnut tunngasunik nassuiaasiortoqartassalluni. Naalakkersuisut suleriaasiat nutaaq ulloq 1. januar 2026 atuutilissaaq.

(Inatsisartunut ilaasortaq Mariane Paviassen Jensen, Inuit Ataqtigii)

Akissuteqaat

(Naalakkersuisut Siulittaasuut)

Aappassaaneerinninneq

Inatsisinut Ataatsimiititaliaq aalajangiiffigisassatut siunnersuut manna sukumiisumik suliarineranut qujanaq.

Inatsisinut Ataatsimiititaliami amerlanerussuteqartut siunnersuutip akuerineqarnissaa inassutigaat. Tassani piumassuseqarnerujussuaq, partiit oqaaseqartartuinit Naalakkersuisuniillu siunnersuutip siullermeerneqarnerani takutinneqartoq, takuneqarsinnaavoq.

Naalakkersuisut inatsisinik piareersaallutik suliaqarnerminni Inuit Pisinnaatitaaffiinnut Institut aamma Kalaallit Nunaanni Inuit Pisinnaatitaaffii pillugit Siunnersuisooqatigiit tusarniaaffigineqartunut ilaatinnerusariaqarai, Inatsisinut Ataatsimiititaliap peqqusinera Naalakkersuisut akuersaarpaat. Tamanna oqaluuserisassap matuma malitseqartinnerani Naalakkersuisut ilaatissavaat.

Taamatut oqaaseqarlutik Naalakkersuisut aalajangiiffigisassatut siunnersuut Inatsisartut akuerissagaat inassutigaat.